

Dokumentasi maklumat pengurusan tanah

Utusan Borneo 20/4/2011 A8

Oleh SITI AISYAH NARUDIN
aisyahub@gmail.com

KOTA KINABALU: Maklumat mengenai strategi pengurusan perubahan tanah dan zatnya perlu didokumentasikan.

Naib Canselor Universiti Malaysia Sabah (UMS), Brig. Jen. Prof. Datuk Seri Panglima Dr. Kamaruzaman Ampon berkata, usaha itu bagi memperbaiki pemahaman umum tentang sistem pertanian dan mencipta sistem penuaian yang mapan.

Menurutnya, isu berkaitan kawalan merendahkan tanah, pemulihan tanah terbiar untuk pertanian dan perhutanan serta memperbaiki produktiviti perlu diberikan perhatian utama.

"Tahap kemerosotan kesuburan tanah adalah masalah serius yang dihadapi dunia kini dan Malaysia antara negara yang tidak terkecuali," katanya ketika berucap merasmikan Seminar Tanah 2011 di Grand Ballroom 1 Borneo



PESERTA ... Sebahagian daripada delegasi yang menyertai semibnar itu.

dekat sini kelmarin.

Kamaruzaman berkata, pengurangan zat tanah memberikan impak terhadap produk makanan yang mana isu keselamatan makanan adalah perkara yang amat membimbangkan.

Beliau menjelaskan, mengekalkan kesuburan tanah adalah kunci bagi

menjaga penanaman dan produktiviti khususnya di kawasan tropika.

"Penganjuran seminar ini bertepatan dengan waktunya memandangkan alam sekitar termasuklah perubahan tanah yang berterusan memberi kesan kepada kehidupan kita terutamanya dalam aktiviti manusia," katanya.

Tambahnya, hampir kesemua tekanan yang berkaitan dengan alam sekitar mempunyai kaitan dengan tanah.

Justeru katanya, pemahaman mendalam tentang tanah perlu bagi mencari penyelesaian terhadap masalah yang berkaitan.

Sementara itu, Pengerusi

Penganjur, Prof. Madya Dr. Mahmud Sudin berkata, seminar itu diharap dapat menemui teknologi dalam sains tanah yang mampu memberi manfaat kepada negara.

Jelasnya, seminar yang dianjurkan itu juga mempunyai taraf yang sama di peringkat antarabangsa dengan melibatkan seramai



CENDERAHATI... Mahmud (kiri) menyampaikan cenderahati kepada Kamaruzaman sambil diperhatikan oleh Shahrakbah (kanan).

170 delegasi dari dalam dan luar negara.

"Kami juga berharap ia akan meningkatkan kerjasama antara semua ahli dalam Persatuan Sains Tanah Malaysia (MSSS) dan semua pihak yang terlibat," katanya.

Seminar itu adalah anjuran bersama Sekolah Perhutanan Tropika Antarabangsa (SPTA) UMS, MSSS, Jabatan Perhutanan dan Jabatan Pertanian Sabah. Turut hadir, Presiden MSSS, Dr. Shahrakbah Yacob.